



6
(1480)-son
12-fevral
2021

Xabar

ERUR SEN SHOH, AGAR OGOHSEN SEN,
AGAR OGOHSEN SEN, SHOHSEN SEN.

O'ZBEKISTON RESPUBLIKASI AXBOROT TEXNOLOGIYALARI VA KOMMUNIKATSIYALARINI RIVOJLANTIRISH VAZIRLIGI NASHRI

1992-yil martdan chiqa boshlagan www.xabar.uz

МЕҲНАТЛАР САМАРА БЕРА БОШЛАДИ

Ўзбекистон Республикаси ахборот технологиялари ва коммуникацияларини ривожлантириш вазири Шухрат Содиқов раҳбарлигидаги Ишчи гуруҳ Фарғона вилоятида бўлиб, тизимдаги корхона, ташкилот ва муассасалар фаолияти билан яқиндан танишди.

Сафар давомида IT-Парк томонидан Марғилон шаҳридаги Рақамли технологиялар ўқув марказида ёшлар билан учрашув ўтказилди. Унда Тошкент ахборот технологиялари университети, Тошкентдаги ИНҲА ва Амिति университетлари раҳбарияти иштирок этди.



2

Журналист ва ҳаёт

ШАРОИТ ЙЎҚМИ, ДЕМАК, ЮТУҚ ҲАМ ЙЎҚ

4



ҳамкорликда “Журналист ва ҳаёт” лойиҳаси доирасидаги медиа-тур давомида ҳам худди шундай бўлди – ўйлаганларимиз бошқа, кўрганларимиз бошқа.

2019 йилда Наманган шаҳрида куриб, фойдаланишга топширилган “Президент мактаби” ҳақида эшитгандим-у, лекин тасаввурга эга эмасдим. Бу ерда оддий мактаблардан фарқли ўларок, ўқувчилар синфхоналарда 10-12 нафардан ўтиради, баъзи хоналарда парталар оддий мактабларникидан ўзгачарок – ҳар хил тартибда жойлашган. Ҳар бир ўқувчининг олдида ноутбук... Бугунги кунда мактабда 144 нафар ўқувчи таълим олади. Мазкур даргоҳга кириш таълим муассасаларининг 4-синф битирувчилари орасида ўтказиладиган мантиқий фикрлаш тестлари ва ёзма имтиҳон натижаларига кўра, Кембриж Университети (Cambridge Assessment International Education) бренди остида фаолият юритувчи Имтиҳон Кенгаши билан ҳамкорликда амалга оширилади.

Журналист сафарга чиқадими ёки таҳриратга келган шикоят – муаммони ўрганишга отланадими, режалаштирганини эмас, кўрганларини ёзади. Ўзбекистон Журналистлари ижодий уюشمаси Наманган вилояти ҳокимлиги билан



IT-Park Туркий Кенгаш билан ҳамкорликни кенгайтирмоқда

Дастурий маҳсулотлар ва ахборот технологиялари технологик паркида (IT-Park) Турк кенгаши билан учрашув бўлиб ўтди.

Учрашув доирасида ўзаро манфаатли ҳамкорлик, шу жумладан, ҳамкор давлатларда рақамлаштириш жараёнларни жаддалаштириш дастурини ишлаб чиқиш ва Туркий Кенгашга аъзо давлатларининг рақобатбардошлигини кучайтириш бўйича масалалар муҳокама қилинди.

Учрашув якунида томонлар ҳамкорликда ишлаш, шунингдек ёш авлоднинг IT салоҳиятини яхшилаш мақсадида IT-Паркнинг таълим жараёнларини такомиллаштиришга келишиб олдилар. Туркий Кенгаши раҳбарияти IT-Парк резидентларига халқаро компаниялардан буюртма олишига кўмак беришга тайёрлигини билдирди.

TELEGRAM Фойдаланувчилари РАҚАМЛАРДА

(2020 йил январ)

- Фойдаланувчилар сони
- 500 миллион
- Жаҳон аҳолисига нисбатан
- 8,7 фоиз
- Бир йиллик ўсиш
- +100 миллион
- Эркаклар
- 58,6 фоиз
- Аёллар
- 41,4 фоиз



Манба: We Are Social/Hootsuite

Jumadan
Jumagacha

Президент Шавкат Мирзиёев 8 феврал куни Андижон ва Тошкент вилоятларидаги инвестиция лойиҳалари тақдими билан танишди. Андижон вилоятида бу йил 616та, Тошкент вилоятида эса 355та лойиҳа ишга туширилади. Тақдимотда ушбу лойиҳаларнинг истиқболлари, молиялаштириш манбалари ва инфратузилма масалалари юзасидан маълумот берилди.

Ўзбекистон Республикаси Президенти Шавкат Мирзиёев 10 феврал куни Афғонистон Ислам Республикаси Президенти Ашраф Ғани билан телефон орқали мулоқот қилди. Давлат раҳбарлари Ўзбекистон, Афғонистон ва Покистон ҳамда етакчи халқаро молиявий институтларнинг юқори даражадаги вакиллари иштирокида ўтган Трансафғон транспорт йўлагини қуриш лойиҳасини илгари суриш бўйича уч томонлама ишчи гуруҳнинг биринчи йиғилиши муваффақиятли бўлганини катта мамнуният билан қайд этдилар. Президентлар сайё-ҳаракатларни бирлаштириб, янги “Сурхон – Пули-Хумри” электр узатиш линиясини барпо этиш лойиҳасини амалга оширишни жадаллаштиришга келишиб олдилар.

Ўзбекистон Республикаси Президенти Шавкат Мирзиёев раислигида 10 феврал куни “Ёшларни қўллаб-қувватлаш ва аҳоли саломатлигини мустақамлаш йили” Давлат дастури ижросини самарали ташкил этиш масалалари юзасидан видеоселектор йиғилиши ўтказилди. Ушбу тақомиллашган Давлат дастури Президентимизнинг жорий йил 3 февралдаги фармонида мувофиқ қабул қилинди. Унда 273та банд бор. Бу чора-тадбирларни бажариш учун қарийб 30 триллион сўм, 2 миллиард 600 миллион АҚШ доллари ва 57 миллион евродан зиёд маблағ йўналтирилиши кўзда тутилган.

Ўзбекистон Республикаси Бош вазири ўринбосари – инвестициялар ва ташқи савдо вазири Сардор Умурзоқов Ислам тараққиёт банки Президентини Бандар Ҳажар билан қўшма лойиҳа ва ташаббусларни амалга оширишнинг жорий ҳолати ҳамда яқин келажакда ўза о манфаатли ҳамкорликни кенг йитириш билан боғлиқ қатор масалаларни муҳокама қилди.

2021 йил 10 феврал куни мамлакатимиз парламенти палаталари аъзоларининг Қирғизистон Республикаси Жогорку Кенешининг депутатлари билан учрашуви бўлиб ўтди. Унда томонлар икки мамлакат парламентлари фаолияти, амалга оширилаётган ислохотлар, ҳуқуқий механизмларни қўллаш, хусусан уларни алимент тўлаш мажбуриятларини бажариш, алимент ундириш ва бошқа масалалар билан боғлиқ судда ишларни қўриб чиқиш жараёнида қўллаш юзасидан фикр алмашди.

Матбуотда Ўзбекистон Республикаси Президентининг “Қонунчилик ҳужжатлари ижросини самарали ташкил этишда давлат бошқаруви органлари ва маҳаллий ижро этувчи ҳокимият органлари раҳбарларининг шахсий жавобгарлигини кучайтиришга доир қўшимча чора-тадбирлар тўғрисида”ги ҳамда “Ўзбекистон Республикасида ички ва зиярат туризмини янада ривожлантириш чора-тадбирлари тўғрисида”ги фармонлар эълон қилинди.

МЕҲНАТЛАР САМАРА БЕРА БОШЛАДИ



Дастлаб меҳмонлар ва ёшлар тартибдорлари билан таништирилди. Фарғона вилоятида шундай марказлардан 10та очилган. Марғилондаги Рақамли технологиялар ўқув маркази фаолиятига эндигина 7 ой бўлганига қарамадан, ҳозирги кунда ҳафтасида 350 нафар ёш ахборот технологиялари бўйича таълим олмақда.

Ўтган вақт давомида марказ мутахассислари ўнта, “Рақамли Ўзбекистон” лойиҳаси доирасида эса тўртта лойиҳани бажариб беришди ва мана шу тўртта лойиҳа марказга 350 миллион сўм фойда келтирди.


Марказ ментори Илҳомжон Болтабоев “Бир миллион дастурчи” лойиҳаси доирасида 200дан зиёд ёшларни тўртта йўналиш бўйича тайёрлашга ҳисса қўшди. У етти йилдан буён дастурлаш бўйича шуғулланади. “Марказда ўқиш истагиди бўлган ёшлар кўп, – дейди Илҳомжон. – Мактаб ўқитувчилари ҳам ахборот технологиялари бўйича билимларини ошириб кетишяпти. Меҳнатларимиз самарасини кўраётганимиздан хурсандмиз”.

Ўн уч ёшли дастурчи

Мустафо Муҳаммадов 2007 йилда Марғилонда туғилган. Ҳозир пойтахтимиздаги 246-мактабнинг 7-синфида ўқийди. График дизайнга қизиқади. Тошкентдаги ИНҲА университетидеги курсларда бир ярим йил давомида ўқиган. Камига интернет орқали дастурлаш бўйича курсларда билимини ошириб борапти.

– Тадбиркорман, – дейди отаси Маъруф ака. – Қаерга бормай, ўғлимга китоблар олиб келиб берман. Энг яхши компютер совға қилганман. Қизиқиши кучли. Биринчи компютерини бузиб ҳам қўйди. Аммо мана энди яхши натижаларга эришяпти.

– Карантин даврида “айти” йўналишидаги қизиқишларим бўйича кўп нарсани ўргандим, – дейди Мустафо. – Танишларим иш таклиф қилишди. Бўш вақтимда



тайёр дизайнни “жонлантириб”, яъни анимациялаштириб бердим.

Эътиборлиси, ўн уч ёшли Мустафо ҳозирда ҳар ойда 300–400 доллар ишлаб топади.

Етмиш нафардан зиёд ёшлар қатнашган учрашувда меҳмонларга марказ менторлари, фрилансер, стартапчилар ҳам фаолиятлари давомида оширган тажрибалари, муваффақиятсизликка учраганлари, аммо бу янги имкониятга туртки берганлиги ҳақида сўзлаб беришди.

Учрашув якунида IT-Парк раҳбари Фарход Ибрагимов марказ ўқитувчи ва ўз ишланмалари билан муваффақиятга эришаётган бир гуруҳ “айтишник”ларга IT-Парк сертификатлари ва совғаларини топишди.

Қувасойда Рақамли технологиялар ўқув маркази очилди

Ўзбекистон Республикаси ахборот технологиялари ва коммуникацияларини ривожлантириш вазирлиги Ишчи гуруҳининг Фарғонага ташрифи доирасида “Ўзбектелеком” АК Фарғона филиали Қувасой шаҳар боғламаси биносида Рақамли технологиялар ўқув марказининг очилиш маросими бўлиб ўтди. Унда “Ўзбектелеком” АК бош директори Назиржон Ҳасанов, “Ўзбекистон почтаси” АЖ бош директори Алишер Файзуллаев ва тизимдаги корхона, ташкилотлар масъул раҳбарлари, кенг жамоатчилик вакиллари, ўқувчи ёшлар иштирок этдилар.

Фарғонага ташриф

1

Маросимда Ўзбекистон Республикаси Президенти томонидан илгари сурилган бешта муҳим ташаббуснинг 3-йўналиши – Аҳоли ва ёшларнинг компютер технологияларидан кенг ва самарали фойдаланиш учун шарт-шароитлар яратиш, ёшларни ахборот технологиялари соҳасидаги тадбиркорликка жалб қилиш доирасида қатор хайрли ишлар амалга оширилаётгани, республика миқёсида Ахборот технологияларини ривожлантириш марказлари ташкил этилаётгани ҳам шу эзгу ишлар жумласидан эканлиги, тизимдаги корхоналар марказда бор имкониятларини ишга солиб муносиб шарт-шароитлар яратилаётгани тўғрисида таъкидланди.

Қайд этилишича, Рақамли технологиялар марказлари фаолияти йўлга қўйилган ҳудудларда ёшларнинг мафкуравий иммунитетини кучайтиришга муваффақ бўлинмоқда. Ижодий-интеллектуал салоҳиятини рўёбга чиқариш учун шароитлар яратилаётгани тўғрисида уларнинг компютер технологиялари, дастурлаш асослари, робототехника, компютер ўйинлари ва киберспортга қизиқишлари тобора ортиб бормоқда. Турган гапки, марказлар ишлаётгани шарофати билан соҳада мутахассислар тизimini тақомиллаштиришга эришилмоқда.

Салоҳиятли ёшлар ҳузурида

АКТ вазирлиги ишчи гуруҳининг Фарғонага ташрифи доирасида Тошкент шаҳридаги Амита университети директори в.б. Б. Абдуллаев ва ИНҲА университети ректори в.б. М. Жалолов ТАТУ Фарғона филиали ҳамда унинг қошидаги лицейга ташриф буюришди. Мақсад – ҳудудларда ёшларнинг АКТ соҳасига қизиқишини ошириш, соҳада иқтидорли ва салоҳиятли кадрларни цақашф этишдан иборат эди.

Ташриф давомида у ердаги АКТ йўналишида яратилган шарт-шароитлар ўрганилди ва профессор, ўқитувчи ва ўқувчилар билан мулоқот ташкил этилди. Ректорлар Амита ва ИНҲА университетлари фаолияти тўғрисида маълумотлар беришди.

Бундан ташқари, университетлар раҳбарияти ТАТУ филиали қошидаги талабалар тураржойига бориб, талабалар билан учрашди, уларга яратилган шароитлар билан танишишди.

Ҳафиза САЛЯҲОВА,
Абдуғани АБДУРАҲМОНОВ

Солжон ЗОИРОВ олган суратлар

Хабарлар

2021 ЙИЛДА 60та ЭЛЕКТРОН ДАВЛАТ ХИЗМАТЛАРИ ТАҚДИМ ЭТИЛАДИ

Ўзбекистон Республикаси Президенти Шавкат Мирзиёевнинг 2020 йил, 29 декабрда Олий Мажлисга йўллаган Мурожаатномасида 2021 йилнинг охирига қадар электрон давлат хизматларини 60тага кўпайтириб, уларни 300тага, масофавий хизматлар улушини эса камида 60 фоизга етказиш зарурлиги таъкидланганди.

Ўзбекистон Республикаси ахборот технологиялари ва коммуника-



цияларини ривожлантириш вазирлиги томонидан “2021 йилда давлат хизматларини устувор равишда электрон шаклга ўтказиш бўйича чора-тадбирлар

дастури” тақдим этилди. Мазкур лойиҳада 2021 йилда талабгорлиги юқори бўлган 60та давлат хизматини Ягона интерактив давлат хизматлари порталида (my.gov.uz) жорий қилиш кўзда тутилган.

Сиз 2021 йилда қайси давлат хизматлари электрон шаклга ўтказилишини хоҳлар эдингиз? Ушбу хаволага ўтинг ва ўз тақлифларингизни билдириш: <https://regulation.gov.uz/uz/d/28609>

“ЮЭСЭМ ТЕЛЕКОМ” ВА МЕГАФОН ЎЗБЕКИСТОН БОЗОРИГА КИРИБ КЕЛИШМОҚДА

“ЮэСэм Телеком” ва МегаФон ўзбекистонлик ҳамкорлар билан биргаликда Марказий Осиёдаги энг йирик телекоммуникация бозорининг технологик илғори бўлиши кутилган янги қўшма корхона – Digital Holdingни ташкил этишди.

Янги ҚК таркибидан мамлакатнинг телекоммуникация бозори илғори бўлган Ucell компанияси ҳамда USMнинг Ўзбекистондаги активлари – CRPT Turon ва ICS Holding Uzbekistan ўрин олишди.

Ўзбекистон ҳукумати Давлат активларини бошқариш агентлиги (ДАБА) орқали ҚКга Ucell телеком-операторининг 100% улушини топширмоқда. Россия томони Digital Holding ривожланиши учун 100 млн. доллар миқдорда инвестиция, шу билан бирга USMнинг шўъба корхоналари – CRPT Turon ва ICS Holding Uzbekistan киритмоқда.

ҚК таркибига кириш учун “ЮэСэм Телеком” ва МегаФон “Диджитал Инвест” компаниясига асос солишди, унда икки компаниянинг улуши 50%дан тақсимланди. Янги ҚКда “Диджитал Инвест” улуши 51%, ДАБА улуши 49%га тенг.



Битим доирасидаги жараёнлар 2021 йил давомида якунига етади. Digital Holding эътиборини Ўзбекистон Республикасида алоқа хизматларидан фойдаланишни янада қулайроқ қилиш ҳамда сифатини ошириш учун халқаро стандартларга мос келувчи телекоммуникация инфраструктурасини шакллантиришга, ахборот хавфсизлиги ва маълумотларни сақлаш, баъзи турдаги товарлар ҳаракатини маркировкалаш ва кузатиб бориш соҳаларидаги илғор технология ва тизимларни татбиқ этишга қаратади.

— Ишончим комил: янги қўшма корхонанинг ишга тушиши Ўзбекистоннинг сўнгги йилларда шиддат билан ривожланаётган рақамли хизматлар бозорига янги туртки бўлади ва Ucell ҳамда унинг абонентлари учун янги имкониятларни яратади, — таъкидлади Ўзбекистон Республикаси Бош вазирининг маслаҳатчиси Олимжон Умаров.

ҲУҚАРО ШАХСИНИ ТАСДИҚЛОВЧИ ҲУЖЖАТ ЎҚУВЧИ МОБИЛ ДАСТУР ЯРАТИЛДИ

Электрон ҳукумат лойиҳаларини бошқариш маркази яна бир қулай тизимни ишга туширди.


Ушбу лойиҳа барча давлат ташкилотлари, мобил операторлар, банк ва аҳолига хизмат кўрсатадиган бошқа тадбиркорлик ишларида қўл келиб, ҳужжат билан боғлиқ ҳар қандай шартнома тузиш жараёнида тезкорликни таъминлайди. Вақт тежаш имконияти туфайли кўпроқ мижозга хизмат кўрсатишга эришилади.

Мазкур ҳужжат ўқувчи мобил дастур ID-картадаги QR кодни ва NFC чипни ёки биометрик паспортдаги машина ўқувчи зона (MZR)ни сканер қилиш орқали электрон ҳукуматнинг марказий маълумотлар базаларидан ва давлат идораларининг тегишли ахборот тизимларидан фуқаронинг шахсий маълумотлари, вақтинча ва доимий турар манзили ҳамда бошқа маълумотларни автоматик тарзда олиш ва тегишли майдонларни тўлдириш имкониятини беради.

Бу ўз навбатида хизмат кўрсатувчи операторлар ишини енгиллаштиради. Илгари фойдаланувчи ҳақидаги маълумотларни тизимга кириштиш учун 5–7 дақиқа вақт кетган бўлса, эндиликда бу жараён 30 сониядан 1 дақиқагача қисқарди.

Бундан ташқари, мижозларни ID-карталарда мавжуд бўлмаган манзил бўйича маълумотнома тақдим этиш борасидаги оворагарчиликдан ҳам қутқаради.

Хозирда ушбу ҳужжат ўқувчи мобил дастур республикамизнинг бир қатор йирик компанияларида синов тариқасида жорий этилмоқда.



ИНТЕГРАЦИОН ПЛАТФОРМА –

CS.EGOV.UZ қандай лойиҳа?

Шу кунларда Электрон ҳукумат лойиҳаларини бошқариш маркази яна бир катта лойиҳани йўлга қўйди. Бу классификаторларни қўллаш учун яратилган алоҳида интеграцион платформа бўлиб, у Электрон ҳукуматнинг cs.egov.uz манзилига жойлаштирилди.

Ҳўш, ушбу платформа бизга нима беради?

Маълумки, Электрон ҳукумат доирасида аҳоли ва тадбиркорлик субъектларига хизмат кўрсатиш ва бу орқали уларнинг кундалик эҳтиёжини қондириш борасида давлат ташкилотлари томонидан электрон давлат хизматларини кўрсатиш мақсадида амалиётга жорий этилган автоматлаштирилган ахборот тизимларида маълумотномалар ҳамда классификаторлардан фойдаланиб келинмоқда. Бироқ давлат ташкилотлари томонидан жорий этилаётган ахборот тизимларида қўлланилаётган бир турдаги классификаторларнинг маълумотлари таркибий жиҳатдан ҳар хил бўлганлиги сабаб, бошқа давлат идораларининг ахборот тизимлари билан ўзаро интеграциясини таъминлашда маълум бир номувофиқлик муаммолари юзага келмоқда.

Ушбу мақсадда марказ томонидан классификаторлардан фойдаланишда ягона ёндашувни ташкил этиш, стандартлаштирилган маълумотларни марказлашган ҳолда шакллантириш, жойлаштириш, уларнинг долзарблигини таъминлаш ҳамда ахборот тизимларини ишлаб чиқиш жараёнида мазкур классификаторларни қўллаш учун алоҳида интеграцион платформа яратилиб, у Электрон ҳукуматнинг cs.egov.uz манзилига жойлаштирилди.

Эндиликда барча фойдаланувчилар мазкур портал орқали ўз ахборот тизимларида қўллаши зарур бўлган маълумотномалар ва классификаторлардан тўғридан-тўғри фойдаланишлари мумкин. Шунингдек, уларни кўчириб олиш ёки интеграциялаш орқали ахборот тизимига бевосита юклаш ва маълумотлар базасини шакллантириш имконияти ҳам мавжуд.

Тегишли маълумотномалар ва классификаторларнинг ўз вақтида янгиланиб бориш ва долзарблигини таъминлашга масъул давлат ташкилотларининг “Шахсий кабинет”и яратилиб, у орқали классификаторлар тузилмасини шакллантириш ва автоматлаштирилган тарзда белгиланган шаблон асосида маълумотларни порталга жойлаштириб бориш имконияти яратилди.

Бундан ташқари, маълумотномалар ва классификаторлар турлари бўйича халқаро, давлатлараро, умумдавлат, соҳавий ва ташкилот доирасида қўлланиладиган классификаторларга ажратилиб, уларни қидириб топиш қулайлаштирилди.

Шу билан бирга, классификаторларни умумэтироф этилган “json”, “xml” ҳамда “xls” форматларида ҳам кўчириб олиш имконияти яратилган бўлиб, порталнинг бош саҳифасида турлари бўйича фойдаланувчилар томонидан энг кўп ишлатилган маълумотлар рейтингини чиқариш мумкин.

Амалга оширилган ишлар натижасида электрон ҳукумат тизимини янада ривожлантириш, давлат идоралари соҳасини рақамлаштиришда марказлашган ягона ёндашувга асосланган технологияларни қўллашнинг техник шароити ташкил этилди.

Бу эса, ўз навбатида, кўрсатилаётган давлат хизматларининг сифатини ошириш, оператив ахборот алмашинувини ташкил этиш ва маълумотлар долзарблигини таъминлашга пойдевор бўлади.

Журналист ва ҳаёт

ШАРОИТ ЙЎҚМИ, ДЕМАК ЮТУҚ ҲАМ ЙЎҚ

1

Оддий мактабдан бу ердаги ўқитувчининг дарс ўтишида фарқ борми, деган саволимга бир неча хориж олий ўқув юртларига муддатидан олдин онлайн имтиҳон топшириб, талаба бўлиш бахтига муяссар бўлган Мироншоҳ Иномжонов шундай жавоб берди:

– Бизга кўпроқ эркинлик беришади, босим остида фикрламаймиз. Фикримиз тўғрими, нотўғрими айта оламиз. Нотўғри фикр айтганимиз учун танбех эшитмаймиз. Ҳозир кимё дарсида ўтирибмиз, лаборатория машғулоти ўтказилмоқда. Биламизки, лаборатория машғулоти қанчалик қизиқарли ва мукамал бўлса, ўша синфдан шунча кўп кашфиётчилар чиқади. Оддий мактаблардан фарқи шуки, бу машғулотларда биз ҳамма нарсани ўзимиз лаборатория синовларидан ўткази оламиз.

Химия фани ўқитувчиси америкалик Michele Gaddy: – Ўқувчилар ҳар бир галингизни тез илғаб олишади, бу уларнинг тартибли эканлиги билан боғлиқдир. Қолаверса, улар Ўзбекистон ва хориж таълим тизими ўйғунлашган таълимни олишмоқда. Яъни бу болалар Ўзбекистоннинг юқалишига хорижий тажрибаларни бемалол қўллаш оладилар.

– Чет элда таҳсил олаётган тенгдошларимиз билан онлайн тарзда фикр алмашиб тураимиз. Келгусида ўқишни хорижда давом эттирмоқчиман. Ривожланган давлатларнинг таъриби аларни ўрганиб, билимларимни икки қарра мустақамлаб юртимизга қайтган унинг ривожини, салоҳияти йўлида хизмат қилиш олий мақсадларимдан бири, – дейди Мироншоҳ Иномжонов қисқина суҳбатимизда.

Албатта, бу масканда Мироншоҳ каби иқтидорли ўқувчиларни ҳар қандам учратишингиз мумкин. Масалан, Гулжаҳон Абдурахимова, Суҳроб Жалолов, Алижон Азимов, Махлиб Муҳаммаджонова каби ўқувчилар Англия, Америка каби дунёнинг энг машҳур бир неча ўқув юртларининг талабаси бўлишга эришган. Бунга эса яратилган шароит сабаб. Ўз

Маҳаллий ўқитувчиларни ҳам танлаш, саралаш орқали ишга олганмиз.

– Ота-оналар билан ҳам-корлик қандай йўлга қўйилган? – сўрайман директордан.

– Албатта, ота-оналарнинг қўллаб-қувватловисиз болаларнинг бирор натижага эришиши қийин.

Ота-оналар бошида оддий мактабдагидек муносабатда бўлиши. Кейин эса бу мактабда ўқиш учун фарзандлари жуда кўп вақт ва меҳнат сарфлаши кераклигини тушуниб етишиди. Бошида ота-оналардан аразлаган пайтларим бўлган, ҳозир анча келишиб қолдик. Боласи бу ерда ўқияпти дегани, тўғридан-тўғри ўқишга кириб кетишига имтиёз эмаслигини аниглаб етишиди. Йўқса, фарзандлари ўқишга киргач, қандай имтиёзлар берилади, дея сўроққа тутадиганлардан чарчандик. Ахир боласининг 20 нафар рақобатчидан биттаси бўлиб шу мактабда ўқиши, шундай шароитларда таълим олиши, мукамал билимга эга бўлиши қайси имтиёздан кам, қолаверса, нима учун болани имтиёзга ўргатишимиз керак?

“Аввалги олимлар шам ёруғида кашфиёт қилган, китоб ўқиган, шароит бўлмаса ҳам, ўқийдиган одам ўқийверади”, деган фикрларни эшитиб қоламиз. Йўқ бугун бу гаплар ўз қийматини йўқотди. Қаердаки, шароит ва малакали мутахассислар бўлса, ўша ерда муваффақият ва натижа бўлади. Шароит бу ахборот технологиялари ва интернет, чет эл таърибаси, малакали ўқитувчи...

Фондида 10 мингдан зиёд китобни жамлаган замонавий кутубхона, ахборот-технологиялари билан тўлиқ қамраб олинган хоналар, аниқроғи, яхши ишлайдиган интернет туфайли тезкорлик билан юртимиз ва жаҳондаги янгиликлардан хабардор бўлиб боришади. Айтганча, бу ерда ўқувчилар кўшимча машғулотлар вақтида миллий чолғу асбоблари, фортепиано, доира, хор ва рақс тўғарақларида мусиқа ижрочилигини, рақс сирларини ҳам ўрганмоқдалар.

– Президент мактаблари битирувчилари белгиланган тартибда давлат томонидан тасдиқланган шаходатнома, аттестат билан бир қаторда, халқаро даражадаги тегишли дастур дипломи (International Baccalaureate, Advanced Placement ёки International Advanced Levels)га эга бўлади, – дейди мактаб директори Абдураҳул Пирназаров. – Бу эса, ўз навбатида, хорижий олий ўқув юртларига кириш имконини беради. Етти нафар хорижий ўқитувчимиз бор, Янги Зеландия, Филиппин, Америка, Жанубий Африка каби давлатлардан келишган. Улар дарсларни инглиз тилида ўтишади.

Кўпчилик, ёшлар китоб ўқймай қўйди, деган фикрда. Аммо энг чекка қишлоқларда ҳам шаҳар марказидагидек, яъни Нодирабегимдек ахборот-кутубхоналар учун шароитлар яратилса, албатта, китобхоналар кўпаяди. Биз борган кутубхона ҳам айнан ёшлар билан гавжум эди. Барча заллар ўқувчилар билан банд. Сал нарироқда гаплашиб турган қизалоқлардан кутубхона ҳақида сўрадим. Қарангки, бу қизларни барчаси китобхонлик танловларида ғолиб бўлган китобсеварлар экан.

– Шаҳримиздаги 59-мактабнинг бу ўқувчилари – Моҳира Абдурахмонова, Моҳинур Аҳмаджоновалар китобхонлик танлови ғолиблари –

кутубхонада қандай тадбир уюштирилса, ҳар доим фаол, қачон қарама, яна қандай китоб ўқисам бўлади, деб ҳоли-жонимизга қўйишмайди, – дейди услубият бўлими мутахассиси Дилором Қаҳҳорова. – Кўпинча айримлар савол беришади, “Нимага кутубхонангизда ёшлар кўп?” Мен эса жавоб бераман: “Китобхоннинг фарқи йўқ, ёшми у-кексамми, илмий китоб ўқийдими, ё бадиий китоб учун келадими, бизга улар китобхон ҳисобланади”.

Ушбу марказда шу куни вилоят ОАВ вакиллари иштирокида “Маънавий-маърифий ишлар самарадорлигини оширишда журналист масъулияти” мавзусидаги давра суҳбати ҳам бўлиб ўтди. Қизгин, фикрларга бой, самимий руҳда ўтган мулоқотдан сўнг, бир гуруҳ фаол наманганлик журналистларга уюшма томонидан диплом ва совғалар топширилди. Янги нусхадаги аъзолик ғувоҳномаларини топшириш маросими ҳам иштирокчиларга кўтаринкилик бағишлади. Аслида бу журналистикага бир пайтлар йўқолган, эндиликда қайтиб берилаётган эътиборнинг намунаси эди.

Пресс-тур доирасида вилоят ҳокими Шавкатжон Абдуразақов оммавий ахборот воситалари вакилларига вилоятда амалга оширилаётган бунёдкорлик ишлари ҳақида маълумот берди. Хусусан, кичик саноат зоналари, Давлатобод туманидаги халқ кутубхонаси, Наманган шаҳрида қад ростлаётган мономарказга алоҳида тўхталиди, журналистлар учун имтиёзли шартлар асосида уй-жойлар қуриш масаласи ҳам кўриб чиқилди. Биринчи вақт экология соҳасида фаолият юритган ҳоким бунёдкорлик асосида дархатларнинг бемаврид кесилиб кетмаслиги масаласига алоҳида эътибор қаратаётгани айрим масъул раҳбарларга ўрناк бўлгулик... Марказий Осиёда ягона “Афсоналар водийси” боғи келгусида меҳмонлар борса, мақтанишга арзийдиган маданият масканига айланса ажаб эмас.

Албатта, биз пресс-тур асосида Наманганнинг ютуқлари ва ўзгаришлардан хурсанд бўлдик. Лекин танганинг иккинчи томони бўлганидек, республикамизнинг кўпгина ҳудудларида кузатилганидек, ўз ечимини қутаётган муаммолар, мактабда биргина компютери бўлмаган қишлоқлар, кутубхонаси йўқ туман марказлари борлигини унутмайлик. Қачонлардир муаммолари қайнаб ётган ҳудудларга ҳам мана шундай ташаббус ва хайрихоҳлик билан пресс-турлар ташкил қилинади, журналистлар ўша муаммоларни ҳар томонлама ўрганиб ёритишади. Бу кунлар жуда яқинлигига эса асло шубҳа йўқ.

Нодирабегим номидаги вилоят ахборот-кутубхона марказида

Барно СУЛТОНОВА



Филиппинлик физика фани ўқитувчиси Rosetum Galos: – Бу ердаги ўқувчилар билан тил топишиш жуда осон. Улар жуда тиришқоқ, билимингизни ўзгача ҳурмат қилишади. Ишончингизни оқлаш учун меҳнат қилишдан чарчамайди. Улар билан самимий мулоқотда бўлсангиз, дўстлашсангиз, энг яхши ўқувчингизга айланади. Айниқса, улар саломини қанда қилишмайди, кетаётганингизда хайрлашини унутишмайди.

Бир йўла 4-5тагача олий ўқув юртлари талабаси бўлганлардан яна бири Мироншоҳ Иномжонов. У молия-иқтисод соҳасида ишланган ният қилгани боис математика, физика, информатика ҳамда инглиз тили фанларидан чуқурлаштирилган шаклда билим олмоқда. Мироншоҳ 2020 йилнинг ўзида IELTS (Халқаро инглиз тилини билиш даражаси) бўйича кўрсаткичи умумий 7 баллни ташкил этувчи махсус сертификатга ҳамда бир вақтда Буюк Британиянинг бешта университетига (Vestminster, Grinвич, South London Bank, West London ва Mnchester) талабаликқа қабул қилинди.

ОБРАЗОВАНИЕ

СТУДЕНТ ТУИТ ПОЛУЧИЛА ГОСУДАРСТВЕННУЮ СТИПЕНДИЮ ИМЕНИ БЕРУНИЙ

Студент Ташкентского университета информационных технологий имени Мухаммада ал-Хоразмий, факультета компьютерный инжиниринг Зарнигор Ибодуллаева стала обладателем Государственной стипендии имени Беруний.

Создаваемые в нашей стране возможности для молодежи, оказываемая студентам поддержка со стороны коллектива ТУИТ и его филиалов, а также бесценный вклад преподавателей являются залогом успеха и достижений со стороны воспитанников университета.



НАЛОГИ

SPOTIFY ВСТАЛ НА НАЛОГОВЫЙ УЧЕТ В УЗБЕКИСТАНЕ



Spotify встал на налоговый учет в Узбекистане, следует из данных Государственного налогового комитета.

Это шведский музыкальный сервис, доступный почти в 120 странах. В его каталоге больше 50 миллионов песен и 4 миллиарда плейлистов. Отличается своей глубокой системой рекомендаций. То, что Spotify встал на налоговый учет в Узбекистане, означает, что оплате услуг сервиса теперь надо еще учитывать НДС в размере 15%, однако сам сервис в стране пока недоступен.

С начала 2020 года иностранные юридические лица, осуществляющие реализацию услуг и товаров в электронной форме, местом реализации которых является Узбекистан, признаются

налогоплательщиками в части таких услуг, оказываемых физическим лицам.

Налоговый комитет создал НДС-офис, который позволяет иностранным интернет-компаниям, работающим в Узбекистане, встать на учет и начать платить налоги.

КОНКУРС

АМК ОБЪЯВИЛ КОНКУРС НА РАЗРАБОТКУ И ВНЕДРЕНИЕ ЕДИНОЙ ИНФОРМАЦИОННОЙ СИСТЕМЫ

Антимонопольный комитет объявил конкурс на определение компании для разработки и внедрения Единой информационной системы.

Максимальная стоимость — 950 млн. сумов с НДС. Срок — 210 дней.

Компании должны отвечать ряду требований. Например, иметь штат, который сможет обеспечить гарантийную поддержку поставляемого ПО с уровнем реакции не ниже NBD на срок не менее 12 месяцев.

Заявки принимаются до 25 февраля, 18:00. На следующий день вскроют письма с предложениями.



ПРОГРАММИРОВАНИЕ

СТАРТОВАЛ НОВЫЙ НАБОР В ИНКУБАТОР GAMEDEV GOETHE

Стартовал новый набор в инкубатор GameDev Goethe, сообщили в пресс-службе IT-Park.

«Участников ждут новые спикеры, новые „челленджи“, крутой нетворкинг и конечно же, драгоценный опыт», — говорится в сообщении.

Длительность обучения составит около трех месяцев, участники смогут формировать команды, получать опыт от экспертов по самым важным аспектам создания игр: программирование, дизайн, анимация, менеджмент проектов.

В ходе программы пройдут соревнования между участниками — Кубок видео-прототипов и Кубок игровых прототипов. По завершению программы участников будет ждать Demo Day,



на котором они смогут представить свои игры и получить призы.

На второй набор уже подано более 200 заявок. Количество мест ограничено.

Регистрация открыта до 28 февраля. Участие в проекте абсолютно бесплатное.

Инкубатор разработки игр GameDev Goethe — проект для всех энтузиастов, желающих овладеть навыками дизайна, программирования, звукового дизайна и многими другими.

Место, где каждый может разработать мобильную игру, получить крупный багаж знаний, опыт, расширить свой нетворкинг, а также улучшить свое портфолио.

Цель первого в Узбекистане инкубатора разработки игр — помочь молодежи, увлекающейся играми, найти единомышленников и создать свою игру. Помогают им в этом опытные специалисты с многолетним стажем в сфере разработки игр.

Проект организован Goethe Institute в Ташкенте при поддержке IT-Park и компании VRonica.

КОРОТКО

В «Лаборатории Касперского» призвали обновить Google Chrome до версии 88.0.4324.150. Причина — критическая уязвимость CVE-2021-21148, которую крайне рекомендуется закрыть как можно скорее — некие злоумышленники уже ее эксплуатируют.

Уязвимы версии браузеров под все основные операционные системы для персональных компьютеров: Windows, MacOS и Linux.

Facebook расширил список тем, которые считаются фейковыми. Отмечается, что это сделано после консультаций с Всемирной организацией здравоохранения (ВОЗ).


Компания уже удаляет дезинформацию вроде постов о чипизации населения с помощью вакцин, секретных испытаниях препарата на людях и прочие теории заговора.

Павел Дуров отреагировал на сообщение, что созданный им мессенджер Telegram стал самым загружаемым мобильным приложением в мире.

«В чём наш секрет? Последовательность. В течение последних 7,5 года мы последовательно защищали конфиденциальность наших пользователей и регулярно улучшали качество и набор функций наших приложений», — отметил Дуров в своём Telegram-канале.

Разработчики мессенджера WhatsApp проводят тестирование новой функции для видео. Скоро она может стать доступна всем пользователям сервиса.

Новая функция добавляет возможность отправлять видеоролик без звука. Для этого пользователю необходимо нажать на соответствующую кнопку в редакторе роликов, передаёт WABetaInfo.



ХАВФСИЗЛИК

БУ ИЛОВАНИ ДАРҲОЛ
ЎЧИРИБ ТАШЛАНГ!

Malwarebytes антивирус компанияси QR ва штрих-кодларни сканерловчи оммалашган андроид-илова — Barcode Scanner вируслар ташувчиси эканини аниқлади.

10 миллион мартадан кўп қўчириб ўрнатилган илова, компания хабаридан сўнг, Google Play каталогидан ўчириб ташланди, бироқ миллионлаб смартфонларда ҳануз ишлатилаётган бўлиши мумкин.

Barcode Scannerда сўнгги янгиланиш декабр ойида амалга оширилган. Кейин маълум бўлишича, худди шу янгиланган дастур таркибидан вируслар бор, улар фойдаланувчиларни рекламалар “ёмғири” билан сўйлаб, турли номақбул сайтларга йўлламоқда.

Ғалати жиҳати, QR-сканернинг зарарли янгиланиши унинг қонуний рақамли сертификати билан имзоланган, яъни ишлаб чиқарувчининг ўзи вирусларни жойлаган. Камига “ёмон” код Googleнинг антивирус тизимларидан яшириниш учун яшигина ниқобланган.

Андроидларга ўрнатилган Play Protect ҳимоя тизими бу хавфни ҳозирча топишга қодир эмас, шу боис

фойдаланувчилардан Barcode Scanner-ни смартфонлардан дарҳол ўчириб ташлаш тавсия этиляпти.

ЭНЕРГЕТИКА

АВСТРАЛИЯ ДУНЁДАГИ
ЭНГ КАТТА АККУМУЛЯТОР
БАТАРЕЯСИНИ ҚУРМОҚЧИ

Австралиянинг SEP Energy энергетика компанияси дунёдаги энг катта аккумулятор тармоғини барпо этмоқчи.

Компания бош директори Питер Райтнинг сўзларига кўра, ушбу лойиҳа Австралия корхоналари учун экологик тоза, ишончли ва тежамкор энергия ишлаб чиқариш ҳамда сақлаш стратегиясининг бир қисми



ҳисобланади. Тизим қуёш ва шамол электр станцияларидан олинандиган энергияни тўплаб, мамлакат электр тармоқларига етказиб беради.

Ҳозирча дунёдаги энг катта аккумулятор тармоғи АҚШда жойлашган бўлиб, унинг қуввати 250 мегаваттти ташкил этади.

Австралия эса 1,2 гигаваттли қувватга эришишни режалаштирмоқда. Тизимни 2023 йилда ишга тушириш кўзда тутилмоқда.

АЙФОНМАНИЯ

ЭНГ АРЗОН IPHONE SE
ҚАЧОН ЧИҚАДИ?

Apple экспертлари iPhone SE 4-нчи авлоди устида изла-

нишмоқда, таъминотчи керакли бўловчи қисмларни тайёрлашга киришган. Бу ҳақда JP Morgan таҳлилчиси Уилям Янг маълум қилди.

Ҳамма арзон “айфон”ни интиқлик билан кутяпти, бироқ ҳамёнбоп iPhone фақат 2022 йил бошларида тайёр бўлади. Смартфоннинг ташқи кўриниши 2018 йилда чиқарилган iPhone XR кўринишида бўлади.

Ҳамёнбоп смартфонлар фақат SE билан чекланмайди. Иккинчиси ҳам бор: маълум ва машҳур iPhone 11нинг ҳам бюджет талқини чиқарилади.

Янги ва арзон “айфон”ларнинг аниқ нархи ҳозирча маълум эмас. Чиқарилиш санаси ҳам аниқ кўрсатилмаган — бир йил кутишга тўғри келади.

САЛОМАТЛИК

УХЛАЁТГАН ОДАМ
AIRPODSНИ ЮТИБ
ЮБОРДИ — НАУШНИК
БУТУН...

АҚШнинг Массачусетс штатида Аяшовчи Брэдфорд Готе ухлаётган чоғи AirPods симсиз наушникларидан бирини ютиб юборди, ёзмақда Daily Mail.


38 ёшли бу эркак сув ичаётганида кўнгли айниган, нафаси ҳам сиқишни бошлаган — у аввалига буни қор қураганидан кейинги чарчоққа йўйганди. Готе кейинроқ симсиз наушниклари-

дан бирини қидириб тополмади. Нафас олиши оғирлашавергач, шифокор хузурига борган.

Шифокорлар даставвал уни заҳарланган деб ўйлашди, рентген эса наушникни топди — ошқозонда.

Қурилмани беморга беэиён чиқариб олишди. Наушник ҳам бутун, микрофони ҳисобга олмаганда.

СМАРТФОНЛАР

ЭНГ КУЧЛИ АНДРОИД-
СМАРТФОН ХИТОЙДАН
ТАШҚАРИДА ҲАМ ТАҚДИМ
ЭТИЛДИ

Xiaomi компанияси Mi 11 флагман глобал версиясини тақдим этди. Шу пайтгача Хитойда сотилаётган бу телефон андроид-смартфонлар орасида энг кучлиси тақдими олганди.

Xiaomi Mi 11 техник хусусиятлари:

- Процессор — Snapdragon 888
- Тезкор хотира — 8 ГБ
- Ички хотира — 256 ГБ гача
- Экран — 6,8-дюйм (1440р; 120 Гц)
- Камера — 108 МП (асосий); 13 МП (қўшимча ултракенг модуль); телемакрокамера (5 МП); 20 МП (селфи-камера)
- Аккумулятор — 4600 мАс.

НЕГА БАЙДЕН АВВАЛРОҚ СИ
ЦЗИНПИНГА ЭМАС, ПУТИНГА
КЎНФИРОҚ ҚИЛДИ?

АҚШнинг янги президенти Жозеф Байден 26 январ куни Россия Федерацияси президенти Владимир Путин билан телефонда мулоқот қилди. Холбуки, Байден АҚШга иттифоқдosh асосий давлатлар раҳбарларининг ҳаммаси билан ҳам телефонлашишга улгурмаганди.

Байден биринчи навбатда телефонлашмаганлар орасида “ҳисоблашмас бўлмайдиган” ХХР раиси Си Цзинпин ҳам бор. Хўш, нега Путин?



Оқ уй раҳбарининг матбуот котиби Жен (Женнифер) Псаки бу саволга ойдинлик киритди. У сўзининг бошидаёқ Россия АҚШнинг иттифоқчиси эмаслигини

алоҳида таъкидлаб ўтди.

“Аммо бу суҳбат тақозо этиларди, чунки... ДСНВ (стратегик ҳужум қуролини бўйича келишув) мuddати тугаётгани, мулоқотда у (Байден) ўзи ва маъмуриятида Россия ҳукуматининг хатти-ҳаракатлари борасида жиддий хавотир мавжудлигини аниқ-равшан тушунтирди”, — деди Оқ уй матбуот котиби.

Псаки қўшимча қилишича, Байден АҚШ-Хитой муносабатларини ҳамкорлар ва иттифоқчилар билан қизгин муҳокама қилган. Бироқ Пекин билан боғланишга имконияти бўлмаган.

Эслаиб ўтаамиз, январдаги мулоқотда Россия ва АҚШ етакчилари ДСНВ-3 мuddатини узайтиришга келишиб олишганди.

ЭРОН ФОРС КЎРФАЗИ НОМИНИНГ
“ЎЗГАРТИРИЛГАНИДАН” НОРОЗИ

Расмий Техрон Форс кўрфазини бошқача норозилигини билдирди. Бу ҳақда 8 феврал куни Эрон ТИВ расмий вакили Саид Хатибзода маълум қилди.

IRNA агентлиги ёзишича, бу ерда гап Россия ташқи сиёсий фаолият идораси Twitterда фойдаланган кўрфазнинг “фейк” номи тўғрисида бормоқда. Твит остидаги шарҳларга кўра, унда “Араб кўрфазини” деб ёзилган. Ушба хабардаги ёзув кейин “форс кўрфазини”га ўзгартирилган.

Техрон бу анъанавий жуғрофий номлигини эслаиб, “Араб кўрфазини” атамасига қаршилигини билдирган.

Эслаиб ўтаамиз, 1960 йилларда кўрфазини “арабча талқинга буришга уринган” айрим араб давлатлари Эроннинг қаттиқ норозилигига учраганди.

ХИТОЙДА 2020 ЙИЛДА
ТУГИЛИШ 30 ФОИЗГА КАМАЙДИ

Хитойда туғилиш кўрсаткичи 2020 йилда 2019 йилга нисбатан 30 фоизга камайди. Бу ҳақда ХХР жамоат хавфсизлиги вазирлиги маълум қилди.

Халқаро ҳаёт





2020 йили Хитойда 5,29 миллион қиз бола, 4,74 миллион ўғил бола дунёга келган.

Эслаиб ўтаамиз, Хитой 1979 йилдан 2016 йилга қадар “Бир оила — бир бола” сиёсатини юргизган. Бунинг оқибатида мамлакатда меҳнатга қобилиятли аҳоли сони кескин камайиб кетди.

COVID-19га ЧАЛИНИШЛАР
КАМАЙМОҚДА, БИРОҚ
ҚУВОНИШГА ЭРТА

“Тўртинчи ҳафтадирки, дунёда коронавирусга чалиниш ҳолатлари сони камаймоқда: ўтган ҳафта 3,1 миллионга янги ҳолат қайд этилди — олдинги ҳафтадагидан 17 фоизга кам. Бу 26 октябр (15 ҳафта)дан бери энг паст кўрсаткич. Қайд этилган ўлим ҳолатлари сони ҳам иккинчи ҳафтадирки, камайишда давом этапти: ўтган ҳафта қарийб 88 000 та ўлим ҳолати қайд этилди, бу олдинги ҳафтадагидан 10 фоизга камдир”, — дейилади ЖССТ сайти маълумотида.

Аммо ташкилот қувонишга ҳали эрталигини таъкидламоқда. Негаки, коронавируснинг мутацияга учраган турлари тобора кўпроқ мамлакатларга тарқаяпти. Хусусан: “британ штамми” — 86 мамлакатда, “жанубий африка штамми” — 44 мамлакатда, “бразил/япон штамми” — 15 мамлакатда қайд этилган.



Мурожаатномани ўқиб...

ТУВ ИСЛОҲОТЛАР – ҲАЁТ ТАЛАБИ

Кейинги йилларда Ўзбекистон Республикаси Президентининг Олий Мажлисга Мурожаатнома-си эълон қилинадиган кун ҳам эсда қоларли санага айланди. Орамизда унга жавобан ўз ишини қайта кўриб чиқиб, ютуқлар, зафарлар қозонаётганлар сафи ортиб борапти. Бунда зиёлилари-мизнинг роли ҳам катта, албатта. Улар томонидан тарғибот ишлари тобора кучайтирилмоқда.


Тошкент ахборот техно-логиялари университети Фаргона филиали компютер инженеринг факултетининг Ёшлар билан ишлаш бўйича декан ўринбосари Наврўзбек Ибрагимов ҳам шундай хайрли ишларда иштирок этмоқда. “Биз Ўзбекистон Президенти ҳузуридаги давлат бошқаруви академияси томонидан икки кун давомида онлайн ўқув курсида ўқидик. Филиалимизда эса талабаларни 8 соатлик махсус назарий ва амалий ўқув курсида ўқитялмиш. Шунингдек, ташкилот ва муассасалардаги тарғибот ишларида ҳам ёрдам берялмиш. Бу каби тадбирларнинг яқинда “Ўзбекистон почтаси” АЖ Фаргона филиалида ҳам ташкил этдик. Мазкур маънавий-маърифий тадбир почтачиларда катта таассурот қолдирди”. Филиал ходимлари билан бўлган суҳбатларда ҳам унинг сўзлари тасдиқланди.

Ахроржон ҲАКИМОВ, филиал муҳандиси:

– Гарчи Президентимизнинг Олий Мажлиси Мурожаатномасини телевизорда диққат билан тинглаган, интернет нашрларида ўқиш бўлсам ҳам, академия томонидан жойланган слайдлар менга жуда маъқул келди. Ҳаммаси аниқ ва лўнда акс эттирилган. Таҳлил қилиб, хулоса чиқаришга жуда қулай. Мени, айниқса, ҳаяжонлан-тиргани, илм-фан соҳасида олийгоҳлар ва илмий ташкилотларда докторантлар сони 4,5 мингга етказилиши, яъни 2017 йилга нисбатан 3 баробарга оширилиши бўлди. Шунингдек, 2021 йил Ёшларни қўллаб-қувватлаш ва аҳоли саломатлиги йили деб аталиши кўплар қатори мени ҳам беҳад қувонтирди. Эндиликда биз, ёшлар қудратли бунёдкорлар сафида тезроқ ўз ўрнинизга эга бўлишимиз зарур.

Турғуной ТЕШАБОВА, филиал кадрлар бўлими бошлиғи:

– Мен почта ходими ва айни вақтда бир она, яна буювчи сифатида слайдларни қайта-қайта кўздан кечирдим. Тан олайлик, ўзимизни қанчалар зўр ҳисобламайлик, оналар, оилани ўзгартириш фурсати етибди. Энг солиқ оналар ҳам, энг намунали оилалар ҳам тарбиявий ишларини замонага мослаши, янада хушёр ва зийрак бўлиши талаб этилмоқда. Бунинг мен Мурожаатномадаги “...ёшларни замонавий билим ва тажриба, умумбашарий қадриятлар асосида мустақил ва манतिकий фикрлайдиган эзгу фаилатлар эгаси бўлган



инсонлар этиб вояга етказамиз” сатрларида ҳам кўрдим. Яққол сезилиб турибди, бу биз оналарга ҳам тааллуқли. Зота мактаб қурилиши, “Миллий ўқув дастури” яратилиши, зота Президент мактаби, кимё-биология, математика, ахборот технологияларига асосланган 197та мактаб иш бошлаши, олий ўқув юртлирида квоталар, давлат грантлари ўринлари оширилиши, эк-ҳе, Мурожаатномада айtilган бу оламшумул ишларнинг санаб адоғига етиш мушкул. Ва биз бу ишларни мамлакатимиз раҳбарига, ҳукуматга ташлаб, томошабин бўлиб ўтирмай, албатта, фарзандларимизни ана шу шарт-шароитларга муносиб тарбиялашимиз зарур...

Кароматхон ЯРМАТОВА, “Ўзбектелеком” АК Фаргона филиали муҳандиси:

– Донишмандларимиз ёшликни инсон ҳаётининг сўнгги йиллари учун уруғ қадаладиган баҳор палласи, д-б таърифлайдилар. Чиндан ҳам одамнинг баҳори қандай кечиши, уруғ қандай қадалиши оилага, биз оналарга жуда боғлиқ. Аҳоли саломатлигини мустаҳкамлаш масаласида ҳам шундай. Биз оналар болаларимиз саломатлигини шифокорлар зиммасидаги иш деб қарамай, тиббий саводхонликни оширишимиз даркор. Она ва бола соғлиғига эътибор бўйича Мурожаатномадан биттагина мисолга қаранг: “...кейинги йилдан бошлаб 15 ёшгача бўлган болалар ва ҳомилдор аёлларга 7 турдаги витаминлар, болалар учун паразитар касалликларга қарши дори воситалари бепул тарқатилади...” Бу тарихий ҳужжатдан шунга ўхшаш тадбирларни қўллаб келтириш мумкин. Аммо яна таъкидлагим келади – жигарбандларимиз, Ўзбекистонимизнинг эртаси бўлган фарзандларимиз саломатлиғига, аввало, биз оналар масъулмиз. Динимизда ҳам инсон жисми Аллоҳ томонидан берилган омонатдир. Омонатга эса хиё-

нат қилмайдилар, дейилган. Демак, саломатлигимизни ҳам ўзимиз сақлашимиз, тўғри овқатланиш мезонларидан хабардор бўлишимиз зарур. Шундагина соғлом турмуш тарзимиз, рационал овқатланишимиз болаларимизга ҳам бир умрлик одат бўлиб қолиши муқаррар.

Исломжон НИШОНОВ, “Ўзбектелеком” АК Фаргона филиали фуқаро муҳофазаси ва техника хавфсизлиги бош мутахассиси:

– Мен ҳам, гарчи, фахрийлар сафида бўлишимга қарамай Мурожаатномадан ўзимга тегишли вазифаларни белгилаб оламан. Устозлик, нурунийлик ҳам шунини тақозо этади. Зотан, шоғирдларнинг Мурожаатнома юзасидан саволлари жавоб қилиш, улар шижоатига шижоат қўшиш ҳам бизнинг бевосита вазифамиздир. Мурожаатномадаги “Фаргона шаҳрида 11 млрд.лик маблағ айнан аҳоли долзарб ҳисоблайдиган муаммоларни ҳал этиш учун сарфланади”, “Эҳтиёжманд аҳоли бандлигини таъминлашга Бандликка кўмаклашиш ҳамда жамоат ишлари жамғармасидан 500 млрд. сўм йўналтиради” сингари мисоллар эътиборимни тортди. Милрд-милрд маблағлар тув ислохотлар, Ваған тараққиёти, ёшлар ва моддий ёрдамга муҳтожларга ажратилади. Шунингдек, юртбошимиз камбағалликни қисқартириш ҳақида тўхталганлар. “Камбағалликдан чиқиб кетиш учун энг муҳим омил – бу инсоннинг интилиши, ўз кучига таянган ҳолда, аниқ мақсад сари ҳаракати бўлиши керак” дейилмоқда. Бинобарин, уларни ўз кучига ишонтириш жуда мушкул. Акс ҳолда улар камбағал бўлишмасди. Шу боис, менимча, тарбиявий ишларни мактаб партавидан бошлаш керак.

“Иқтисодий эркинлик” рейтингиде мамлакатимиз 26 поғонага кўтарилганидан жуда бахтиёрман. Ислохотларимиз халқаро майдонда эътироф этилаётганидан, биз, алоқачиларнинг ҳисаси ҳам тобора ортиб бораётганидан ҳар қанча фахрлансак арзийди.

Мустақиллигимизнинг 30 йиллигини “Янги Ўзбекистон”да эркин ва фаровон яшайлик” ғояси асосида улкан зафарлар билан қутиб олишда фаол иштирок этайлик.

Ҳафиза САЛҲОВА, “Хабар”нинг Фаргона вилоятидаги муҳбири

ТАДБИР

СЕНТЯБРДАН БАРЧА УНИВЕРСИТЕТЛАР АКАДЕМИК МУСТАҚИЛЛИККА ЎТАДИ

Муҳаммад ал-Хоразмий номидаги Тошкент ахборот технологиялари университети Самарқанд филиалида Ўзбекистон Республикаси Вазирлар Маҳкамаси Ҳузуридаги Олий аттестация комиссияси раиси Аҳмадбек Юсупов билан учрашув бўлиб ўтди. Унда профессор-ўқитувчилар, докторантлар ва мустақил тадқиқотчилар қатнашишди.

Анжумани филиал директори вазифасини бажарувчи З.Қаршиев очиб, эътиборга молик вазифалар ҳақида гапирди.

Сўзга чиққан Аҳмадбек Юсупов эса Ўзбекистон Республикаси Президентининг 2020 йил 6 ноябрдаги “Ўзбекистоннинг янги тараққиёт даврида таълим-тарбия ва илм-фан соҳаларини ривожлантириш чора-тадбирлари тўғрисида”ги фармони ижросини таъминлаш мақсадида таълим соҳаси ривожига жуда катта куч ва маблағ ажратилаётганини таъкидлади. Шунингдек, 2021 йилнинг 1 январидан бошлаб, Олий аттестация комиссиясига топширилувчи барча ҳужжатлар рақамлаштириш технологияси ёрдамида амалга оширилаётганини айтиб ўтди. Яна бир янгилик сифатида эса жорий йилнинг сентябрийдан эътиборан Ўзбекистон Республикасида фаолият кўрсатаётган барча университетлар академик мустақилликка ўтказилиши хабарини етказди. Яъни Илмий даражалар берувчи илмий кенгаш олий таълим университетлари ихтиёрига ўтилиши ҳақида гапирди. Ҳозирги вақтда Ўзбекистон Миллий университети академик мустақилликка эга экани алоҳида таъкидланди.

Айниқса, Комиссия раисининг яқка муаллифликда монография чоп этган ёки ихтиро патенти олган, бундан ташқари, Scopus базасида мавжуд журналларда бта мақоласи чиққан тадқиқотчига диссертация ёзмадан, истисно тариқасида докторлик илмий даражаси берилиши ҳақидаги маълумотларини ёш тадқиқотчилар жуда катта қизиқиш билан тинглашди.

Учрашувда профессорлар – Р.Индиаминов, Х.Примовалар, директор ўринбосари О.Ялғашев, доцентлар: Д.Якубжанова, М.Яхшибоев, Қ.Бекмуродов, Д.Тоирова ҳамда тадқиқотчи М.Убайдуллаев, шунингдек, филиалнинг ёш тадқиқотчи ходимлари томонидан берилган илмий даража, илмий унвонлар ҳақидаги саволларига ОАК раиси А.Юсупов томонидан аниқ ва лўнда жавоблар берилди.

Абдулғафур ҲОТАМОВ, “Хабар”нинг Самарқанд вилоятидаги муҳбири

ЭЪЛОНЛАР!

Муҳаммад ал-Хоразмий номидаги Тошкент ахборот технологиялари университети қуйидаги лавозимларга танлов эълон қилади

- Доцентлар:** “Ахборот хавфсизлигини таъминлаш” кафедраси – 1, “Мультимедиа технологиялари” кафедраси – 1.
 - Катта ўқитувчилар:** “Гуманитар фанлар” кафедраси – 1, “Ўзбек ва рус тиллари” кафедраси – 1, “Компютер тизимлари” кафедраси – 1, “Ахборот технологиялари” кафедраси – 1, “АКТ соҳасида иқтисодий таъкид” кафедраси – 1.
 - Ассистентлар:** “Аудиовизуал технологиялари” кафедраси – 1, “Электроника ва радиотехника” кафедраси – 1, “Информатика асослари” кафедраси – 1.
- Аризалар чоп этилган кундан бошлаб бир ой ичида қабул қилинади. Танловда курсатилган лавозимлар бўйича фан докторлари, доцентлар, фан номзодлари ва соҳанинг етуқ мутахассислари қатнашишлари мумкин.

Манзил: Тошкент шаҳри, Амир Темуру кўчаси, 108-уй. Тел.: 71-238-64-06.

1991 йил 14 февралда туғилган Абдурахмонов Ойбек Абдувоҳид ўғлига 2006 йилда Учтепа туманидаги 203-сонли мактаб томонидан берилган U № 1710370 рақамли шаҳодатнома йўқолганиги сабабли БЕКОР ҚИЛИНАДИ.

Ўтганларнинг охирати обод бўлсин

АКТ вазирлигининг Хоразм вилояти ҳудудий бошқармаси ҳамда “Ўзбектелеком” АК Хоразм филиали жамоалари филиал директори Аҳмаджон Самандаровга онаси **ЗЕВАРЖОН ҳожи аянинг** вафоти муносабати билан чуқур таъзия изҳор этади.

Алишер Навоий таваллудининг 580 йиллиги

НАВОСИЪЗ УЛУСНИНГ НАВО БАХШИ БЎЛ...



Унда иштирок этган “Ўзбектелеком” АК Фаргона филиалининг бир гуруҳ ходимлари нафақат Алишер Навоий ижодининг академик ижро талқини – опера-

Фаргона ихтисослаштирилган санъат мактабида “Алишер Навоий ижоди – академик мусиқада” маънавий-мусиқали тадбир бўлиб ўтди.

лар, ариялар, қасида ва романслардан баҳраманд бўлишди, балки ўзлари учун фавқулодда ажойиб тарихий воқеалардан хабар топишди.

...Москва. 1968 йил. Кеч куз. Хизмат юмушларини адо этиб юрар эканман, машҳур Катта театр ёнидан ўтиб бораётган улкан колонналарни безаб турган Алишер Навоий портретига кўзим тушди. Суриштирсам, туркий халқлар мутафаккири, шоир Навоий таваллудининг 525 йиллиги муносабати билан кеча ўтказилар экан. Беҳад қувониб кетдим. Оқшом

театр ўзбегимизнинг ўнлаб вакиллари, турли республикалардан келган навоийшунос олимлар, таниқли шоирлар, назм мухлислари билан тўлди. Ниҳоятда залвори маърузаларни мириқиб тинглагач, концерт Мутал Бурҳоновнинг Абдулла Орипов шеъри, “Алишер Навоийга қасида” асари билан бошланди. Мутал Бурҳонов ўзи дирижёрлик қилди, академик рус капелласи ижро этди. Ўзгача кўтаринки руҳда салобатли янграган капелла таъсирида узоқ яшаганман. Ҳа, ижод дамларида даҳомизнинг нуроний

сиймоси, Бурҳонов яратган қасида менга ҳамisha илҳом бахш этиб келган...”

– Бу сатрларни санъатшунослик фанлари доктори Тўхтасин Ғофурбековнинг хотираларидан олганмиз, – деди тадбирда мактабнинг Академик вокал артисти бўлими бошлиғи Баҳридин Шаропов.

Шу кун чиндан ҳам мусиқали дастур шарофати билан Алишер Навоий ижодий муҳитига янада чуқурроқ кириб бордик, десак асло муболаға бўлмайди. Навоий газалларига ёзилган Толибжон Содиқовнинг “Сарви гул” ва Иброҳим Ҳамроевнинг “Қурбонинг бўлай” романслари қандай янграганини, томошабинлар

қандай қабул қилганини таърифлашга ҳожат ҳам бўлмаса керак. Ҳамма бир олам руҳий ва маънавий қувват олди. Навоий билан яшаш деб шунга айтсалар керак. Давр талабларига биноан жидду жаҳд билан ижод қилган санъаткор зиялиларимиз жасорати, Навоий даҳосига ҳурмати ҳар қанча бўлсин таҳсинларга, рағбатларга лойиқдир. Санъат кошонасини тарк этар эканмиз, беихтиёр “Навосиз улуснинг наво бахши бўл, Навоий ёмон бўлса, сен яхши бўл!” деган даъвати жананглаб кетгандек бўлди.

Ҳафиза САЛЯҲОВА,
“Xabar”нинг Фаргона вилоятидаги мухбири

UNICON.UZ да ДАВРА СУҲБАТИ



Буюк мутафаккир, шоир, ўзбек мумтоз адабиётининг асосчиси Мир Алишер Навоий таваллудининг 580 йиллиги, юртимизнинг барча илм даргоҳларида, ташкилотларда бўлгани каби, UNICON.UZ давлат унитар корхонасида ҳам кенг нишонланди.

Тадбирда “Маънавий ҳаёт” журнали бўлими бошлиғи, шоир Шодмонқул Салом ҳамда жаҳон адабиёти асарлари таржумони, адабиётшунос Нигора Умаровалар иштироқ этиб, шоирнинг ҳаёти, ижоди, фалсафий

қарашлари ҳақида қизиқарли маълумотлар беришди.

– Не-не буюк зотлар, алломалар хоки пойи юртимиз тупроғида ётибди, биз уларнинг меросини ўрганишимиз, ажодларимиз билан фахрланишимиз керак, — деди шоир Шодмонқул Салом.

Тадбир сўнггида Навоий қаламига мансуб газаллар ва шеърлар ёдга олинди.

Солижон ЗОИРОВ,
Муаллиф олган суратлар

Хазрат Навоий таваллудининг 580 йиллиги муносабати билан ўтказилаётган ҳафталик доирасида “Радиоалоқа, радиоэшиттириш ва телевидение маркази” давлат унитар корхонаси ходимларининг Ўзбекистон Республикаси Фанлар академиясининг Алишер Навоий номидаги Давлат адабиёт музейига ташрифи ташкиллаштирилди. Улар музейда буюк шоир ва мутафаккир Алишер Навоийнинг фаолияти, бой ва серқирра ижодий мероси билан яқиндан танишишди.



Алишер НАВОЙ

МЕНИ МЕН ИСТАГАН КИШИ...

Мени мен истаган ўз суҳбатига аржуманд этмас,
Мени истар кишининг суҳбагин кўнгул писанд этмас.

Не баҳра топқамен андинки, мендин истагай баҳра,
Чу улким баҳраи андин тилармен баҳраманд этмас.

Нетай хуру пари базминки, қатлим ё ҳаётимга,
Аён ул захр чашм айлаб ниҳон, бу нўшханд этмас.

Керакмас ой ила кун шакликим, хусну малоҳатдин,
Ичим ул чок-чок этмас, танним ул банд-банд этмас.

Керак ўз чобуки мажнунваши қотил шиоримким,
Бузуғ кўнгулмдин ўзга ерга жавлони саманд этмас.

Кўнгул уз чарх золидин, фирибин емаким, охир
Ажал сарриштасидин ўзга бўйингга каманд этмас.

Ул ой ўтлуғ юзин очса, Навоий тегмасун деб кўз,
Мухаббат тухмидин ўзга ул ўт узра сипанд этмас.

Ким истаса салтанат, саҳодур анга шарт,
Ҳар ваъдаки айласа, вафодур анга шарт.
Ким фақр талаб қилса, фанодур анга шарт,
Оллига неким келса, ризодур анга шарт.



Xabar

МУАССИС:

ЎЗБЕКИСТОН РЕСПУБЛИКАСИ
АХБОРОТ ТЕХНОЛОГИЯЛАРИ
ВА КОММУНИКАЦИЯЛАРИНИ
РИВОЖЛАНТИРИШ ВАЗИРЛИГИ

Бош муҳаррир
Абдуғани АБДУРАҲМОНОВ

Газета Ўзбекистон матбуот ва
ахборот агентлиги томонидан
0016 рақами билан 2013 йил
23 июлда рўйхатга олинган.

Газета
ҳафтанинг
жума кунини
чиқади

Газета “Ўзбекистон” нашриёт матбаа
уйи босмахонасида чоп этилди.
Босмахона манзили: Тошкент шаҳри,
Навоий кўчаси, 30-уй.

V 45-52 сонли буортма.
Офсет усулида босилди.
Қозғ бичими А-3, ҳажми 2 босма табоқ.
Адади: 5776 нусха.

ISSN 2010-6424

Босишга топширилди — 17.00.
Босишга топширилиш вақти — 24.00.

Вилоят
мухбирлари:

Андижонда (74) 226-47-80 Бухорода (99)854-7305 Жиззахда (94) 199-95-64 Наманганда (91) 353-71-25 Навоийда (79) 225-91-10 Нукусда (91)557-84-44 Самарқандда (99)508-30-52 Термизда 234-18-59 Тошкентда (97) 211-65-05 Урганча (73) 244-18-05 Фарғонада (93)931-08-99 Қаршида